

«Շիրակացու ճեմարան» միջազգային գիտակրթական համալիր

ՀԱՍՏԱՏՈՒՄ ԵՄ
«ՇԻՐԱԿԱՑՈՒ ԶԵՄԱՐԱՆ» ՄԻՋԱԶԳԱՅԻՆ
ԳԻՏԱԿԵՐԹԱԿԱՆ ՀԱՄԱԼԻՐ»
ՓԲԸ ՏՆՕՐԵՆ
ԱՇՈՏ ԱԼԻԽԱՆՅԱՆ
17 դեկտեմբերի 2025թ.

«ՇԻՐԱԿԱՑՈՒ ԶԵՄԱՐԱՆ» ՄԻՋԱԶԳԱՅԻՆ ԳԻՏԱԿԵՐԹԱԿԱՆ ՀԱՄԱԼԻՐ

ՏԵԽՆՈԼՈԳԻԱՆԵՐԻ ՊԱՏՇԱՃ ԿԻՐԱՌՈՒԹՅԱՆ ՔԱՂԱՔԱԿԱՆՈՒԹՅՈՒՆ

2025-2026 ՈՒՍ . ՏԱՐԻ

ԲՈՎԱՆԴԱԿՈՒԹՅՈՒՆ

1.	ՆՊԱՏԱԿ և ԱՌԱՋՆՈՐԴՈՂ ԴՐՈՒՅԹՆԵՐ	3
2.	ԿԻՐԱՌՈՒԹՅԱՆ ՇՐՋԱՆԱԿ	3
3.	ՏԵԽՆՈԼՈԳԻԱՆԵՐԻ ՈՒՍՈՒՄՆԱԿԱՆ և ՄԱՍՆԱԳԻՏԱԿԱՆ ՕԳՏԱԳՈՐԾՈՒՄԸ ...	4
4	ԸՆԴՀԱՆՈՒՐ ՏԵԽՆՈԼՈԳԻԱԿԱՆ ՌԵՍՈՒՐՍՆԵՐԻ ՊԱՏԱՍԽԱՆԱՏՈՒ ՕԳՏԱԳՈՐԾՈՒՄ	5
5	ՕԳՏԱԳՈՐԾՄԱՆ ԱՐԳԵԼՎԱԾ ՁևԵՐ	5
6	ԱԿԱԴԵՄԻԱԿԱՆ ԱԶՆՎՈՒԹՅՈՒՆ և ՏԵԽՆՈԼՈԳԻԱՆԵՐԻ ԷԹԻԿԱԿԱՆ ՕԳՏԱԳՈՐԾՈՒՄ	6
7	ԳԱՂՏՆԻՈՒԹՅՈՒՆ, ՎԵՐԱՀՄԿՈՒՄ և ՏՎՅԱԼՆԵՐԻ ՍԵՓԱԿԱՆՈՒԹՅՈՒՆ	6
8	ԿԱՐԳԻ ԽԱԽՏՈՒՄՆԵՐԻ ՀԵՏՆԱՆՔՆԵՐԸ	7
9	ԱՅԼ ՆՈՐՄԱՏԻՎԱՅԻՆ ՓԱՍՏԱԹՂԹԵՐԻ ՀԵՏ ԿԱՊԵՐ	7
10	ԱՎԱՐՏԱԿԱՆ ԴՐՈՒՅԹՆԵՐ	8

1. ՆՊԱՏԱԿ և ԱՌԱՋՆՈՐԴՈՂ ԴՐՈՒՅԹՆԵՐ

Շիրակացու ձեմարանը, առաջնորդվելով իր առաքելությամբ՝ կերտել ազգային հենի վրա ձևավորված համամարդկային արժեքներ կրող իսկական մտավորական և քաղաքացի, տեխնոլոգիաները ճանաչում է որպես ուսուցման, ուսումնառության, հետազոտության, ստեղծագործական գործունեության և դպրոցի կառավարման կարևորագույն ռեսուրս:

ձեմարանի առաջնորդող դրույթներին համապատասխան՝ տեխնոլոգիաների օգտագործումը պետք է՝

- նպաստի ուսուցման և ուսումնառության մեջ գերազանցության հասնելուն՝ հետազոտության, համագործակցության և նորարարության միջոցով,
- խթանի էթիկական դատողությունը, պատասխանատվությունը և մտավոր սեփականության նկատմամբ հարգանքը,
- ամրապնդի հարգանքը, հոգատարությունը և ազնվությունը, որոնք ձեմարանական համայնքի արժեքներն են
- ապահովի ձեմարանի շենքային և տեխնիկական ենթակառուցվածքների պատասխանատու, անվտանգ և կայուն օգտագործումը:

Սույն քաղաքականությունը սահմանում է տեխնոլոգիական ռեսուրսների էթիկական, անվտանգ և նպատակային օգտագործման հստակ ակնկալիքներ Շիրակացու ձեմարանի համայնքի բոլոր անդամների համար:

2. ԿԻՐԱՌՈՒԹՅԱՆ ՇՐՋԱՆԱԿ

Սույն քաղաքականությունը վերաբերում է՝

- **Շիրակացու ձեմարանին** պատկանող բոլոր տեխնոլոգիական ռեսուրսներին, ներառյալ՝ համակարգիչներ, պլանշետներ, աուդիովիզուալ սարքավորումներ, տալիչներ, սերվերներ, ցանցեր և ինտերնետ հասանելիություն,
- տեխնոլոգիաների ընդհանուր օգտագործման բոլոր տարածքներին, ներառյալ՝ դասասենյակներ, տեղեկատվական տեխնոլոգիաների լաբորատորիաներ և գրադարան,
- **Շիրակացու ձեմարանի** տեխնոլոգիական ռեսուրսների բոլոր օգտագործողներին՝ սաներին, աշխատակիցներին և այլ անձանց,
- անձնական սարքերին, եթե դրանք միացված են ձեմարանի ցանցին կամ օգտագործվում են ձեմարանին վերաբերող նպատակներով:

Շիրակացու ձեմարանի տեխնոլոգիական ռեսուրսները ընդհանուր օգտագործման միջոցներ են և չեն ամրագրվում առանձին սաների, բացառությամբ որոշ հնարավոր դեպքերի:

3.1 Ընդհանուր ակնկալիքներ (բոլոր օգտագործողների համար)

Բոլոր օգտագործողներից ակնկալվում է, որ նրանք՝

- 3.1.1 տեխնոլոգիաները կօգտագործեն կրթական, ուսումնական, հետազոտական կամ վարչական նպատակներով,
- 3.1.2 բոլոր թվային փոխազդեցություններում կցուցաբերեն հարգալից, պատասխանատու և էթիկական վարքագիծ,
- 3.1.3 կհարգեն մտավոր սեփականությունը և պատշաճ կերպով հղումներ կանեն օգտագործված աղբյուրներին,
- 3.1.4 կպահպանեն մուտքի տվյալների գաղտնիությունը և կօգտագործեն միայն թույլատրելի համակարգեր և տվյալներ,
- 3.1.5 տեխնիկական խնդիրների, անպատշաճ բովանդակության կամ տեղեկատվական անվտանգության հետ կապված մտահոգությունների դեպքում անհապաղ կտեղեկացնեն համապատասխան անձանց:

3.2 Սովորողներ

Սովորողները պետք է

- 3.2.1 տեխնոլոգիաները օգտագործեն ուսուցիչների կամ լիազորված աշխատակիցների վերահսկողության և ուղղորդման ներքո,
- 3.2.2 հետևեն սարքերի օգտագործման վերաբերյալ ցուցումներին՝ ներառյալ դրանց օգտագործման ժամանակն ու ձևը,
- 3.2.3 տեխնոլոգիաները օգտագործեն ուսումնառությանը, հետազոտությանը և ստեղծագործական գործունեությանը նպաստելու համար՝ բացառապես կրթական նպատակներով,
- 3.2.4 նպաստեն անվտանգ, հարգալից և դրական թվային ուսումնական միջավայրի ձևավորմանը:

3.3 Աշխատակիցներ

Աշխատակիցները պետք է

- 3.3.1 տեխնոլոգիաները օգտագործեն ուսուցման, ուսումնառության, գնահատման և ճեմարանին գործունեության այլ նպատակներով,

- 3.3.2 վերահսկեն և ուղղորդեն սովորողների կողմից տեխնոլոգիաների օգտագործումը՝ տարիքին համապատասխան ձևով,
- 3.3.3 ձևավորեն պատասխանատու թվային քաղաքացիություն և ցուցաբերեն մասնագիտական վարքագիծ,
- 3.3.4 պահպանեն գաղտնի տեղեկատվությունը, ներառյալ՝ սովորողների վերաբերյալ տվյալները և գնահատման նյութերը,
- 3.3.5 թվային գործիքներ և հարթակներ օգտագործելիս ապահովեն դպրոցում գործող բոլոր համապատասխան քաղաքականությունների պահպանումը:

4 ԸՆԴՀԱՆՈՒՐ ՏԵԽՆՈԼՈԳԻԱԿԱՆ ՌԵՍՈՒՐՍՆԵՐԻ ՊԱՏԱՍԽԱՆԱՏՈՒ ՕԳՏԱԳՈՐԾՈՒՄ

Հաշվի առնելով Շիրակացու ճեմարանի տեխնոլոգիական ռեսուրսների ընդհանուր օգտագործման են՝

- 4.1 բոլոր սարքավորումները պետք է օգտագործվեն խնամքով,
- 4.2 սարքերը օգտագործելուց հետո պետք է թողնվեն պատշաճ աշխատանքային վիճակում՝ հաջորդ օգտագործողների համար,
- 4.3 օգտագործողները պարտավոր են օգտագործումից հետո դուրս գալ իրենց հաշիվներից և փակել բոլոր ծրագրերը,
- 4.4 ոչ մի օգտագործող իրավունք չունի միայնակ տնօրինել ընդհանուր օգտագործման ռեսուրսները կամ սահմանափակել հավասար հասանելիությունը,
- 4.5 ցանկացած վնաս, խափանում կամ չարաշահում պետք է անհապաղ հաղորդվի ուսուցչին, գրադարանավարին կամ տեղեկատվական տեխնոլոգիաների աշխատակցին:

5 ՕԳՏԱԳՈՐԾՄԱՆ ԱՐԳԵԼՎԱԾ ՁևԵՐ

Տեխնոլոգիաների օգտագործման հետևյալ ձևերը խստիվ արգելվում են՝

- 5.1 ապօրինի, անպարկեշտ, բռնության կոչ անող, ատելություն տարածող կամ խտրական բովանդակության օգտագործում, ստեղծում, պահպանում կամ տարածում,
- 5.2 կիբերբուլինգ, ռտնձգություն, սպառնալիք կամ անհարգալից թվային հաղորդակցություն,

- 5.3 անվտանգության վերահսկման մեխանիզմների, բովանդակության ֆիլտրերի կամ ցանցային պաշտպանական միջոցների շրջանցում, ներառյալ՝ VPN-ների, proxy-ների կամ հաքերային գործիքների օգտագործումը,
- 5.4 չարտոնված ծրագրերի կամ հավելվածների տեղադրում, ներբեռնում կամ օգտագործում,
- 5.5 Ճեմարանի տեխնոլոգիաների օգտագործում անձնական առևտրային շահի կամ քաղաքական քարոզչության նպատակներով,
- 5.6 սարքավորումների, ծրագրային ապահովման կամ ցանցային համակարգերի վնասում, փոփոխում կամ խաթարում,
- 5.7 այլ անձանց անունից հանդես գալ կամ մուտքի տվյալների փոխանցում,
- 5.8 չափից ավելի անձնական կամ ոչ կրթական նպատակներով օգտագործում, որը խոչընդոտում է ուսուցմանը, ուսումնառությանը կամ դպրոցական գործունեությանը:

6 ԱԿԱԴԵՄԻԱԿԱՆ ԱԶՆՎՈՒԹՅՈՒՆ և ՏԵԽՆՈԼՈԳԻԱՆԵՐԻ ԷԹԻԿԱԿԱՆ

ՕԳՏԱԳՈՐԾՈՒՄ

- 6.1 Շիրակացու Ճեմարանում տեխնոլոգիաների օգտագործումը պետք է հիմնված լինի ակադեմիական ազնվության, ինքնուրույնության և էթիկական գիտական գործունեության սկզբունքների վրա:
- 6.2 Թվային գործիքները, առցանց հարթակները և արհեստական բանականության (ԱԲ) գործիքները պետք է օգտագործվեն բացառապես Ակադեմիական ազնվության քաղաքականությանը համապատասխան:
- 6.3 Թվային կամ արհեստական բանականության գործիքների չհայտարարված կամ չարտոնված օգտագործումը ակադեմիական աշխատանքի ընթացքում՝ ներառյալ գրագողությունը, պատվերով աշխատանքի կատարումը, տվյալների կեղծումը կամ զենեռատիվ արհեստական բանականության չարաշահումը, դիտարկվում է որպես խախտում և կարգավորվում է Ակադեմիական ազնվության քաղաքականությամբ սահմանված ընթացակարգերով:

7 ԳԱՂՏՆԻՈՒԹՅՈՒՆ, ՎԵՐԱՀԱՏՎՈՒՄ և ՏՎՅԱԼՆԵՐԻ ՄԵՓԱԿԱՆՈՒԹՅՈՒՆ

- 7.1 Շիրակացու Ճեմարանի տեխնոլոգիական ռեսուրսներն օգտագործելիս օգտագործողները չպետք է ունենան գաղտնիության ակնկալիք:
- 7.2 Ճեմարանն իրեն վերապահում է տեխնոլոգիաների օգտագործումը վերահսկելու, գրանցելու, ուսումնասիրելու և ստուգելու իրավունքը՝ ներառյալ ինտերնետային

ակտիվությունը, ֆայլերը և հաղորդակցությունները, սույն քաղաքականության և այլ նորմատիվ փաստաթղթերի պահպանումը ապահովելու նպատակով:

- 7.3 Ճեմարանին պատկանող համակարգերի միջոցով ստեղծված, պահպանված կամ փոխանցված բոլոր տվյալները հանդիսանում են Շիրակացու Ճեմարանի սեփականությունը, բացառությամբ օրենքով նախատեսված այլ դեպքերի:

8 ԿԱՐԳԻ ԽԱԽՏՈՒՄՆԵՐԻ ՀԵՏՆԱՆՔՆԵՐԸ

Սույն քաղաքականության ցանկացած խախտում դիտարկվում է որպես Ճեմարանի ռեսուրսների չարաշահում և կարող է հանգեցնել կարգապահական պատասխանատվության:

8.1 Սաներ

- 8.1.1 Սաների կողմից թույլ տրված խախտումները դիտարկվում են որպես վարքային խախտումներ և կարգավորվում են Շիրակացու Ճեմարանի սաների վարքականոնին համապատասխան՝ ներառյալ փաստագրումը, կարգապահական միջոցների կիրառումը և Ճեմարանի համապատասխան կառույցների ներգրավումը:
- 8.1.2 Այն դեպքերում, երբ տեխնոլոգիաների չարաշահումը միաժամանակ հանդիսանում է ակադեմիական խախտում, լրացուցիչ կիրառվում են Ակադեմիական ազնվության քաղաքականությամբ (2025–2026) սահմանված կարգավորումները:

8.2 Աշխատակիցներ

- 8.2.1 Աշխատակիցների կողմից թույլ տրված խախտումները կարգավորվում են ներքին կարգավորումներով, աշխատանքային պայմանագրերով և այլ կիրառելի կարգերով:

9 ԱՅԼ ՆՈՐՄԱՏԻՎԱՅԻՆ ՓԱՍՏԱԹՂԹԵՐԻ ՀԵՏ ԿԱՂԵՐ

Տեխնոլոգիաների պատշաճ կիրառության քաղաքականությունը **Շիրակացու Ճեմարանի նորմատիվ փաստաթղթերի անբաժանելի մաս** է և պետք է մեկնաբանվի ու կիրառվի համատեղ՝

- Շիրակացու Ճեմարանի սաների վարքականոնի,

- Ակադեմիական ազնվության քաղաքականության,
- վարքագծին, գնահատմանը և պաշտպանությանը վերաբերող այլ ներքին քաղաքականությունների հետ:

10 ԱՎԱՐՏԱԿԱՆ ԴՐՈՒՅԹՆԵՐ

10.1 Շիրակացու ճեմարանի տեխնոլոգիական ռեսուրսների օգտագործումը համարվում է սույն քաղաքականության և դրա բոլոր դրույթների ընդունում:

10.2 Բոլոր սաները, ծնողները/օրինական ներկայացուցիչները և աշխատակիցները պարտավոր են ծանոթանալ և պահպանել Տեխնոլոգիաների ընդունելի օգտագործման քաղաքականությունը: